

+ / Drawings

la .varik. .VALefor.

August 29, 2022

# Contents

<b>1</b>	<b>le te pavroipli</b>	<b>4</b>
<b>2</b>	<b>le plijaspu</b>	<b>5</b>
<b>3</b>	<b>la'o gy. 20200414042645-03 .gy</b>	<b>6</b>
3.1	le pamoi ve skicu be le pixra . . . . .	6
3.2	le me'oi .watermark. . . . .	6
3.3	le cfila be la'o gy. 20200414042645-03 .gy . . . . .	6
<b>4</b>	<b>la'o gy. Proactive Security .gy</b>	<b>10</b>
4.1	le pamoi velski be le pixra . . . . .	11
<b>5</b>	<b>la'oi .WESTERNUNIONSOFTHECOUNTRYWESTERNs.</b>	<b>12</b>
5.1	le pamoi velski be le pixra . . . . .	12
5.1.1	lo snada ci fi'u vo zo'e . . . . .	12
5.1.2	le mu'oi .watermark. je le pilno jaspu . . . . .	12
5.1.3	le pilno . . . . .	12
5.1.4	le sinxa . . . . .	13
5.1.5	le versiio bo jitro pilno . . . . .	13
5.1.6	le nu nitpiki . . . . .	13
5.1.7	le pilno . . . . .	13
5.2	le cfila be le pixra . . . . .	13
5.2.1	le xlali betfu bo sluji . . . . .	14
5.3	le ka claxu le tcilabe lei sirsunla . . . . .	14
5.4	le sutra pirlarfi'i . . . . .	14
5.4.1	le mabla skicu . . . . .	14
5.5	le tsautu . . . . .	14
5.5.1	le pamoi tsautu . . . . .	14
5.5.2	le remoi tsautu . . . . .	14
<b>6</b>	<b>la'oi .HOLLYWOODFREAKSONTHEHOLLYWOODSCENE.</b>	<b>19</b>
6.1	le pamoi velski be le pixra . . . . .	20
6.1.1	le bebna ba'e tordu lisri . . . . .	20
6.1.2	la'o gy. Blah .gy . . . . .	20

6.1.3	le daski se vasru . . . . .	20
6.1.4	lo cfilyfacki . . . . .	20
6.1.5	le pilno . . . . .	20
6.2	le cfila be le pixra . . . . .	21
6.2.1	le taxfu poi claxu le ci cimde pe'a . . . . .	21
6.2.2	le ctino po le cukmirvelvei . . . . .	21
<b>7</b>	<b>la'oi .BROKEDOWNOUTINADITCHOFOLDRUBBISH.</b>	<b>22</b>
7.1	le pamoi velski be le pixra . . . . .	22
7.1.1	le jetnu pe'a trixe pixra...e lo xamsku . . . . .	23
7.1.2	le tanxe . . . . .	23
7.1.3	lo se vasru pe'a xamsku . . . . .	23
7.1.4	zoi gy. ZZZ .gy . . . .	23
7.1.5	lo nu nitpiki . . . . .	23
7.1.6	le se cuxna xarci pe'a . . . . .	23
<b>8</b>	<b>la'oi .DANCINGONTHEROOFSHOOTINGHOLESINTHEMOON.</b>	<b>24</b>
8.1	le pamoi velski be le pixra . . . . .	25
8.1.1	le vlavelski . . . . .	25
8.1.2	le torveki . . . . .	25
8.1.3	le selxamsku je zo'e . . . . .	25
8.1.4	zo'oi .SOUP. . . . .	25
8.1.5	le kadje tcita . . . . .	25
8.1.6	le batkyfoi . . . . .	25
8.1.7	le nu nitpiki . . . . .	26
8.1.8	le plijaspu . . . . .	26
8.1.9	le pilno . . . . .	26
8.2	le cfila be le pixra . . . . .	26
8.2.1	le stizu . . . . .	26
<b>9</b>	<b>la'oi .ITHINKWEREGOINGCRAZY.</b>	<b>27</b>
9.1	le pamoi skicu be le pixra . . . . .	28
9.1.1	lu mi viska ma li'u . . . . .	28
9.1.2	le tcika . . . . .	28
9.1.3	le citri . . . . .	28
9.1.4	le nu le ti poi pixra cu te gumgau . . . . .	29
9.1.5	lo nu nitpiki . . . . .	29
9.1.6	le plijaspu . . . . .	29
9.1.7	le pilno . . . . .	29
9.2	le kanla se cortu . . . . .	29
9.3	le se frati . . . . .	29
9.3.1	le velski be le se frati . . . . .	30
9.3.2	le cumki rinka be le narselnei . . . . .	30
<b>10</b>	<b>la'oi .JUDASTRAINWRECK.</b>	<b>31</b>
10.1	le pamoi velski be ti poi pixra . . . . .	32

10.1.1	le torveki . . . . .	32
10.1.2	le pruce poi gasnu le nu le tsautu ku binxo le mulno pixra . . . . .	32
10.1.3	le tcidu tanxe pe'a . . . . .	32
10.1.4	le plijaspu . . . . .	32
10.1.5	le pilno . . . . .	32
10.2	le selji'i be fi la'oi .JUDASTRAINWRECK. . . . .	33
10.2.1	su'o lo selji'i be fi la'o gy. JUDASTRAINWRECK .gy . . . .	33
10.3	le ctino . . . . .	33
10.4	le xance . . . . .	33
10.5	le da'a versiio be le pixra . . . . .	33
10.5.1	la'o gy. JUDASTRAINWRECK-NOHANDLEBARS .gy . . . .	33
<b>11</b>	<b>la'oi .THROWTHOSEPICTURESDOWNTHELANE.</b>	<b>35</b>
11.1	le pixra . . . . .	35
11.2	le pamoi velski . . . . .	35
11.2.1	le torveki . . . . .	35
11.2.2	le fanmo be le nu zasysti . . . . .	35
11.2.3	le velski be le pixra . . . . .	36
11.2.4	le mukti . . . . .	36
11.2.5	le srasu . . . . .	37
11.2.6	la'o gy. public domain .gy . . . .	37
11.2.7	lo nu nitpiki . . . . .	37
11.2.8	le pilno . . . . .	37
11.3	le nu cfifa'i poi se zbasu la .varik. . . . .	38
11.3.1	le ka le srasu poi se pixra cu smimlu loi sirsunla . . . . .	38
11.3.2	le du'u ko'a pixra le nu le kanla be la'oi .VUNC. cu claxu lo tcila . . . . .	38
11.4	le nu cfifa'i poi na se zbasu la .varik. . . . .	38
11.4.1	lu le birka be la'oi .VUNC. cu duske clani li'u . . . . .	39
11.4.2	lu le loldi cu dukse xekri li'u . . . . .	39
11.4.3	lu le srasu poi darno le kacma pe'a cu dukse se gusni li'u . . . . .	39
11.4.4	lu le tuple be la'oi .VUNC. cu dukse tordu li'u . . . . .	39
11.4.5	lu le dizlo zunle kinli be le nercreka pe'a po la'oi .VUNC. cu dukse galtu li'u . . . . .	39
11.4.6	lu dukse viska le zunle tuple be la'oi .VUNC. li'u . . . . .	39
11.4.7	lu le selxra xarpre cu smimlu lo sampre li'u . . . . .	40

# Chapter 1

## le te pavroipli

ni'o ti poi te tcidu cu vasru ko'a goi su'o lo lampru pixra poi se zbasu la .varik.  
.VALefor. ku'o ge'u je lo datni be ko'a

.i le nu zo su'o se pilno cu krinu le nu su'o da poi se zbasu la .varik. .VALefor.  
ku'o zo'u selcaugau da ti poi te tcidu .i le nu selcaugau lo glefi'a pixra poi se  
zbasu la .varik. ku'o ti poi te tcidu cu mupli

# **Chapter 2**

## **le plijaspu**

ni'o so'i da poi pixra je cu se zbasu la .varik. je cu se vasru ti poi te tcidu zo'u le velski be da ku xusra le du'u la'o gy. CC BY-NC 4.0 .gy. cu plijaspu da .i ku'i ro da poi pixra je cu se zbasu la .varik. je cu se vasru ti poi te tcidu zo'u la .varik. pu rinka le nu la'oi .Unlicense. cu plijaspu da .ija'e ro da poi pixra je cu se zbasu la .varik. je cu se vasru ti poi te tcidu zo'u la'oi .Unlicense. cu plijaspu da

# **Chapter 3**

**la'o gy. 20200414042645-03  
.gy**

## **3.1 le pamoi ve skicu be le pixra**

ni'o ti poi pixra cu pu se zbasu ki'u le nu djica le nu jdice le du'u le nu pilno  
lo skami smacu le nu pixra cu frili kei kei je le nu la'oi .GIMP. xlali samru'e .i  
jimpe fa le du'u la'oi .GIMP. xlali samru'e kei je le du'u tcecumki fa le nu pilno  
lo skami smacu le nu pixra

ni'o nelci lo diksiseli

## **3.2 le me'oi .watermark.**

ni'o la .varik. jinvi le du'u le mu'oi .watermark. po ti poi pixra cu dukse... .i  
le nu di'u tceje'u cu cabna le nu la .varik. pensi le du'u la .varik. pu fairgau lo  
favytcinymupli be fi ti poi pixra poi claxu le mu'oi .watermark.

## **3.3 le cfila be la'o gy. 20200414042645-03 .gy**

ni'o cfila ko'a goi la'o gy. 20200414042645-03 .gy. goi ko'a fa...

- le ka le cnebo be la'oi .VUNC. ku poi se pixra ko'a cu claxu
  - su'o lo ctino be le stedu be la'oi .VUNC. ku ku je
  - su'o lo sirsunla tengu kei je
- le ka le galraipau be le se viska pagbu be le zunle kanla be la'oi .VUNC.  
ku ku ku poi se pixra ko'a cu claxu lo ctino kei

vu'o po'o nai



Figure 3.1: le cipra pixra noi claxu lo xamgu cmene



Figure 3.2: ni'o lo favytcinymupli be le pixra cu se gubyternoi...i le kerfa bo  
tengu claxu cu go'i .i rigni

## Chapter 4

# la'o gy. Proactive Security .gy



Figure 4.1: ni'o le nu mi'a pilno la'oi .OpenBSD. cu zva'ati .i doi fazgau do'u ko na troci

## **4.1 le pamoi velski be le pixra**

ni'o kibdu'a la'o gy. Proactive Security .gy. ki'u le nu filsela'e claxu lo pixra be la .pyfis.

ni'o la .pyfis. claxu lo kalmebykre ki'u le nu mo'ifli le nu pixra lo kalmebykre  
ni'o la'o gy. AA-12 .gy. .u'enderfu xacyce'a

# **Chapter 5**

## **la'oi .WESTERNUNION- SOFTHECOUNTRY- WESTERNS.**

### **5.1 le pamoi velski be le pixra**

#### **5.1.1 lo snada ci fi'u vo zo'e**

ni'o le nu la .varik. troci le nu terxra lo ci fi'u vo xarpre be la .varik. kei je cu denpa fo le nu pixra cu se mulcabna le nu la .varik. pixra lo ci fi'u vo xarpre be la .varik.

#### **5.1.2 le mu'oi .watermark. je le pilno jaspu**

ni'o ji'a ti poi pixra cu na mutce fanza vasru le mu'oi .watermark. .i ku'i ti poi pixra cu na se vasru la'o gy. public domain .gy .i la .varik. ralte le krali po ti poi pixra .i ku'i cumki fa le nu le ni di'u jetnu cu selbi'o .i le nu le temci cu flecu pe'a cu cabna le nu zenba fa le ni la .varik. nelci le nu la'o gy. public domain .gy. vasru lo pixra be fi la .varik.

#### **5.1.3 le pilno**

ni'o pilno la'o gy. Krita .gy. noi mutce to'e se nelci la .varik.

ni'o le nu zbasu ti poi pixra cu cabna le nu la'o gy. Krita .gy. goi ko'a ge'u naru'e narpli masno .i mupli fa le du'u le nu ko'a gasnu le nu lo senta pe'a cu selvisnalka'e cu smidu li ji'i cino .i le nu masno cu pagbu rinka le nu la .varik. pilno la'o gy. GIMP .gy. le nu zbasu lo balvi pixra .i la .varik. ponse lo plijaspu be la'o gy. CLIP STUDIO PAINT EX .gy. je cu zmanei la'o gy. CLIP STUDIO

PAINT EX .gy. la'o gy. Krita .gy. so'i lo krimu .i ranji zenba fa li ni'e ni la .varik. nelci la'o gy. WINE .gy. po la'o gy. FreeBSD .gy

ni'o le nu ze'i pilno la'o gy. GIMP .gy. cu selmulcabna le nu la .varik. facki le du'u la'o gy. GIMP .gy. claxu su'o lo jicmu poi se pilno la .varik. .i le zmiyu klina senta tadji cu se mupli le ka se claxu la'o gy. GIMP .gy .i mukti le nu la .varik. pilno la'o gy. Krita .gy. le nu mulgau ti poi pixra

#### **lo zoi gy. open-source .gy. sampla cu cumki xamgu**

ni'o le zoi gy. open-source .gy. sidbo cu se nelci la .varik...je cu cumki friti lo jetnu kalci pe'a .i lu lo prenu poi to'e nelci ku'o cumki cikre lo samru'e li'u xlali krimu ki'u le nu su'o da poi pilno lo samru'e zo'u da na samru'e ciska .i ji'a lo xlali sa'u samselpla cu zasti .ije la .varik. na jinvi le du'u le samselpla po fi la'o gy. Krita .gy. cu cizra xamgu

ni'o le nabmi cu se mlaуча ki'u le nu la .varik. djica le nu la .varik. nelci la'o gy. Krita .gy. je la'o gy. GIMP .gy. .i ku'i la .varik. nelci la'o gy. Krita .gy. je la'o gy. GIMP .gy. .inaja la'o gy. Krita .gy. je la'o gy. GIMP .gy. sisti le nu kalci pe'a

#### **5.1.4 le sinxa**

ni'o le nu sispe'i le se sinxa be le sinxa cu frili le tcidu

#### **5.1.5 le versiio bo jitro pilno**

ni'o cumki fa le nu kibdu'a le citri be ti poi pixra ku la'o gy. GitHub .gy .i la .git. jitro ti poi pixra je cu zbasu le mltce barda citri bo datnyveiste ku'i le nu le citri cu cumki ki'u le nu la .varik. djica le nu la .varik. frili cple'idoju le .indika be le du'u la .varik. pu zbasu ti poi pixra

#### **5.1.6 le nu nitpiki**

ni'o mutce nelci le nu xamgu nitpiki .i ku'i la .varik. djica le nu le nu nitpiki cu tilcfu ki'u le nu la .varik. jinvi le du'u li ni'e ni lu le calta be le birka ku ku namapti le ctino be le birka li'u goi ko'a sidju cu dubmau li ni'e ni lu le birka cu xlali li'u goi ko'e sidju .i ku'i cumki fa le nu ko'a je ko'e sidju

#### **5.1.7 le pilno**

ni'o pilno la'o gy. ed(1) .gy. le nu ciska ti poi velski

### **5.2 le cfila be le pixra**

la .varik. facki le du'u la'oi .WESTERNUNIONSOFTHECOUNTRYWEST-ERNS. goi ko'a cu xlali pixra le betfu sluji be la'oi .VUNC. kei je le du'u ko'a

claxu le cmalu sirsunla bo tcila

### **5.2.1 le xlali betfu bo sluji**

le caltaib be le betfu sluji be fi la'o gy. VUNC .gy. ku poi se pixra la'o gy.  
WESTERNUNIONSOFTHECOUNTRYWESTERNNS .gy. cu xlali

.i le nabmi cu se rinka le tadji be le nu la .varik. pixra lo betfu sluji kei ku ku  
goi ko'a .i ko'a pruce fo le nu pixra lo nonkansa pe'a sluji

## **5.3 le ka claxu le tcilabe lei sirsunla**

ni'o lei sirsunla po la'oi .VUNC. ge'u po ti poi pixra cu nacmatilcfu  
ni'o le nu zbasu la'oi .WESTERNUNIONSOFTHECOUNTRYWESTERNNS. cu  
cabna le nu la .varik. fliba le nu jmina lo cmalu sirsunla bo tcila .i le fliba cu  
rinka le nu le pixra cu se vasru le barda sirsunla tcila ku po'o

## **5.4 le sutra pirlarfi'i**

le lisri skina poi skicu le nu zbasu la'oi .WESTERNUNIONSOFTHECOUN-  
TRYWESTERNNS. cu kibzva la'o gy. <https://diode.zone/w/vR9yipHTfuaH3SKPiEXFLm>  
.gy. je la'o gy. <https://vimeo.com/635651456> .gy .i ku'i ji'a cumki fa le nu lo  
mabla jifkri goi ko'a cu catlu le skina kei ki'u le nu le skina cu kibzva la'o gy.  
<https://www.youtube.com/watch?v=0wyF7okop64> .gy

### **5.4.1 le mabla skicu**

ni'o le skina pagbu be le sutra pirlarfi'i cu milxe mabla le demri'a  
ni'o le xlali cu lakne se krimu le nu la .varik. pilno le la'oi .AVI. pruce poi claxu  
lo sumti ku'o po la'oi .FFMPEG. goi ko'a le nu rejgau le lisri skina .i ko'a pilno  
le mutce cirko bo rinka bo pruce po la'o gy. H.264 .gy

## **5.5 le tsautu**

### **5.5.1 le pamoi tsautu**

ni'o le pamoi versio be la'oi .WESTERNUNIONSOFTHECOUNTRYWEST-  
ERNS. cu milxe mabla pinsi bo tsautu

### **5.5.2 le remoi tsautu**

ni'o le remoi tsautu be la'oi. WESTERNUNIONSOFTHECOUNTRYWEST-  
ERNS. cu pamoi lo'i milxe xamgu pinsi bo tsautu .i ku'i ti poi tsautu cu

.uaigri le vektori pixra poi kibzva la'o gy. <https://github.com/varikvalefor/drawingstuff/blob/master/50x/toolbox/toolboxsketch002.svg> .gy



Figure 5.1: le pixra je le na se tcidu



Figure 5.2: le pamoi versiio be la'oi  
.WESTERNUNIONSOFTHECOUNTRYWESTERNS.



Figure 5.3: le remoi tsautu be la'oi  
.WESTERNUNIONSOFTHECOUNTRYWESTERNS.

## Chapter 6

la'oi .HOLLYWOODF-  
REAKSONTHEHOLLY-  
WOODSCENE.



Figure 6.1: la'oi .HOLLYWOODFREAKSONTHEHOLLYWOODSCENE.

## 6.1 le pamoi velski be le pixra

### 6.1.1 le bebna ba'e tordu lisri

ni'o le ctemidju cu tcika le nu lo prenu goi ko'a cadzu lo klaji .ije ko'a jibni lo dikca fatri dinju .ije le prenu poi se viska lo tcidu ku'o goi ko'e klama ko'a lo cmatricu

.i ko'a simlu le ka selspaji .ije ko'e tcuskuue lu doi le verba .i xu do djica lo fingubni proga li'u

.i le tcidu cu kakne le nu jivbi'o le du'u fitytu'i gi'a na fitytu'i

### 6.1.2 la'o gy. Blah .gy

ni'o gubgau le bebna selxamsku

ni'o ti poi pixra cu bebna selxamsku je cu pamoi jetnu ju'anai bo troci be le nu la .varik. terxra lo bukpu

### 6.1.3 le daski se vasru

ni'o le cukmirvelvei poi se tcita zoi gy. 7.0 .gy. cu cukmirvelvei la'o gy. OpenBSD .gy .i le cukmirvelvei poi se tcita zoi gy. 13 .gy. cukmirvelvei la'o gy. FreeBSD .gy

#### le cuktermai

ni'o la .varik. djica le nu le pixra cu sitna le ziljmina proga kei ca'o le nu la .varik. zbasu fo'a .i da poi sidbo zo'u da na temsepcau mulno pe'a

#### le kosta daski

ni'o le tcidu cu sruma le du'u le daski cu vasru le papri poi krati pe'a lo te samrkompli po le sambau poi se pilno la .varik.

#### li ni'e ni co'e

ni'o le nu la .varik. djica le nu le pixra cu sitna le ziljmina proga cu cabna le nu la .varik. zbasu fo'a .i ku'i da poi sidbo zo'u da na temsepcau mulno pe'a

### 6.1.4 lo cfilyfacki

ni'o lo nu cfilyfacki cu roroi zanvi'e

### 6.1.5 le pilno

ni'o pilno la'o gy. GIMP .gy. le nu zbasu ti poi pixra

ni'o pilno la'o gy. ed(1) .gy. le nu ciska dei

## 6.2 le cfila be le pixra

su'o le prenu poi na me la .varik. cu facki le du'u le taxfu poi se pixra la'oi .HOLLYWOODFREAKSONTHEHOLLYWOODSCENE. goi ko'a cu smimlu lo pelji

ni'o si'a la .varik. facki le du'u le cukmirvelvei poi se pixra ko'a cu smimlu lo pelji

### 6.2.1 le taxfu poi claxu le ci cimde pe'a

ni'o lo so'o prenu cu xusra le du'u le taxfu be la'o gy. VUNC .gy. ku'o poi se vasru la'o gy. HOLLYWOODFREAKSONTHEHOLLYWOODSCENE .gy. cu claxu le ci cimde pe'a je cu smimlu lo pelji ja zo'e

.i la .varik. tugni fi le he famsku

.i fu'au le nu dasni lo veljmina be lo pelji kista je lo pelji nercreka je lo pelji creka vu'o poi claxu lo trixe cu mutce le ka xajmi

### 6.2.2 le ctino po le cukmirvelvei

.i la .varik. jinvi le du'u le velvei cu tamsmi lo pelji je lo narcukmirvelvei .i cumki fa le nu le nabmi cu se rinka le ka le velvei cu tcenarkli

## Chapter 7

la'oi

.BROKEDOWNOUTINADITCHOFLDRUBBISH.



Figure 7.1: .i ti poi pixra cu du le pixra .i xu zo'e poi kacmyxra lo xajnuj cu se kanpe .i doi bebna ko na bebna

### 7.1 le pamoi velski be le pixra

ni'o lo cnino pixra cu gubni

### **7.1.1 le jetnu pe'a trixe pixra...e lo xamsku**

ni'o ti poi pixra je cu se cmene zoi gy. BROKEDOWNOUTINADITCHOFOL-DRUBBISH .gy. cu pamoi lo gubni pixra be fi la .varik. ku poi ckaji lo jetnu pe'a trixe pixra je no lo stodi zilska je no lo sucta .i ji'a zoi gy. BROKE-DOWNOUTINADITCHOFOLDRUBBISH .gy. vasru lo so'u xamsku

### **7.1.2 le tanxe**

ni'o le tcidu cumki sruma le du'u le tinsypleta'e poi vasru le xarpre poi zutse cu tsagau je cu na se marxa lo cmalu junta .i ji'a le tcidu cu cumki sruma le du'u le vorme pe'a po le tanxe cu se vasru le tanxe gi'a se vimcu

### **7.1.3 lo se vasru pe'a xamsku**

ni'o le pamoi versiio be ti poi pixra cu se vasru pe'a xamsku .i ciska le se vasru pe'a xamsku le tanxe .i ku'i la .varik. pu .uaigri jivbi'o le du'u le se vasru pe'a xamsku cu na mutce xajmi kei je cu vimcu le se vasru pe'a xamsku

### **7.1.4 zoi gy. ZZZ .gy**

ni'o le nu zoi gy. ZZZ .gy. se pixra cu .indika le du'u le xarpre cu sipsavgau .i le nu le xarpre cu sipsavgau kei .indika le du'u le xarpre sipna .i ku'i zoi gy. ZZZ .gy. kampu sipsav bo krati ki'u ma

### **7.1.5 lo nu nitpiki**

ni'o lo nu nitpiki cu za'o se nelci

### **7.1.6 le se cuxna xarci pe'a**

ni'o pilno la'o gy. GIMP .gy. le nu zbasu ti poi pixra .i pilno lo xance degji .ualdo le jetnu pe'a pixra bo gunka

ni'o pilno la'o gy. ed(1) .gy. le nu ciska dei

ni'o la'o gy. GIMP .gy. je la'o gy. ed(1) .gy. bajra pe'a la'o gy. OpenBSD .gy

## Chapter 8

la'oi .DANCIN-  
GONTHEROOFSHOOT-  
INGHOLESINTHEMOON.



Figure 8.1: ni'o le mulbi'o versiio be la'o gy.  
DANCINGONTHEROOFSHOOTINGHOLESONTHEMOON .gy ni'o le nu  
viska lo ro tcila cu frili zo'e le nu pilno lo banro blaci...a lo cmactatci

## **8.1 le pamoi velski be le pixra**

ni'o .ue'i lo ziljmina pixra cu gubni  
ni'o le pixra cu pixra lo roldje tcini .i ku'i sorpa'a le nu le pixra cu na mutce tolzdi

### **8.1.1 le vlavelski**

zoi gy. VUNC .gy. krati le xarpre be la .varik.

### **8.1.2 le torveki**

ni'o ti poi pixra cu pixra le nu la'o gy. VUNC .gy. jibni je cu galfi lo proga...je cu tcidu lo xlali kibzva bo notci kei

### **8.1.3 le selxamsku je zo'e**

ni'o le pixra cu simsa le da'a pixra be fi la .varik. li ni'e ni se vasru selxamsku .i le tcidu cumki ciksi le xamsku .i ku'i ji'a ti poi pixra cu vasru le cmalu jikske bo ckipinka .i ji'a le tcidu cu cumki skicu le cmalu jikske bo ckipinka

### **8.1.4 zo'oi .SOUP.**

ni'o zo'oi .SOUP. poi simlu lo bebna cu zvati ki'u le nu la .varik. na djuno le du'u selfladra le nu le pixra cu zifre vasru le pamoi kacmyxra .i le nu na te nunflapai la .varik. cu frili la .varik. le nu le velski pe'a be le kacmyxra cu basti le pamoi kacmyxra

ni'o zo velski cu sidysmu ki'u le velski pe'a cu na mutce skicu .i lo zenba velski velski be le pamoi kacmyxra cu du lo'u lo tcesedemri'a kacmyxra be lo kabri poi se vasru lo .alfabeta stasu le'u

### **8.1.5 le kadje tcita**

ni'o le se tcidu po le kadje tcita cu du zoi gy.

#### **WARNING**

Attempting to service this device may result in bodily harm. The device is safe, but our servicemen have pipe wrenches and want your money.

.gy

### **8.1.6 le batkyfoi**

ni'o le pixra cu pixra le nu la'o gy. VUNC .gy. pilno le batkyfoi .i ku'i le batkyfoi naseviska .i ku'i je se cumki le nu le du'u la'o gy. VUNC .gy. pilno le batkyfoi

kei zenba xamgu se .indika

### **8.1.7 le nu nitpiki**

ni'o lo nu nitpiki cu za'o se nelci

### **8.1.8 le plijaspu**

ni'o ti poi pixra cu selxrapra je cu selplijaspu la'o gy. CC BY-NC 4.0 .gy .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

### **8.1.9 le pilno**

ni'o pilno la'o gy. GIMP .gy. le nu zbasu ti poi pixra .i la'o gy. GIMP .gy. tceexla .i ku'i za'a la'o gy. GIMP .gy. traji le ka ce'u xamgu pixra bo fingubni bo proga

ni'o pilno la'o gy. ed(1) .gy. le nu zbasu dei

ni'o la'o gy. GIMP .gy. je la'o gy. ed(1) .gy. bajra pe'a la'o gy. OpenBSD .gy

## **8.2 le cfila be le pixra**

ni'o le stizu poi selzutse la'oi .VUNC. cu claxu lo tcila

### **8.2.1 le stizu**

ni'o le nu le stizu poi selzutse la'o gy. VUNC .gy. cu claxu lo tcila cu se rinka le nu le stizu tengu cu .ambigu'o .i le stizu se.enge cu selstaile .i la .varik. mutce nelci lo dijyzbaske po la'o gy. Brutalism .gy .i ku'i krici le du'u le stizu cu mabla

## Chapter 9

la'oi .ITHINKWEREGO-  
INGCRAZY.



Figure 9.1: la'o gy. ITHINKWEREGOINGCRAZY .gy

## **9.1 le pamoi skicu be le pixra**

ni'o zoi gy. BLOCKED BY SHODAN LEVEL SECURITY .gy

### **9.1.1 lu mi viska ma li'u**

ni'o ti poi pixra cu pixra le nu le xarpre be la .varik. smimlu la'o gy. SHODAN .gy. po la'o gy. *System Shock* .gy. le ka jorne lo jimsko kei je le ka selnunfirsru fi lo nutli

### **9.1.2 le tcika**

ni'o ji'i za'a le pavrelmasti cu vasru pe'a lo su'o pa pixra

### **9.1.3 le citri**

#### **le tsautu**

ni'o lo pamuki'oki'o nanca cu se puvza le nu la .varik. gubni le tsautu poi pixra le nu la'o gy. VUNC .gy. simlu la'o gy. SHODAN .gy. po la'o gy. *System Shock* .gy. le ke jorne lo jimsko

#### **le pamoi se troci se galfi**

ni'o la .varik. tolsti le nu galfi le tsautu lo jetnu pe'a pixra .i ku'i le nu la .varik. zbasu lo nurfu'i cu se purci snuti vimcu le datni be le cukmakyvelvei po le ralju skami po la .varik. .i ja'e le pamoi versiio be le pixra cu lakne cimni bo farcri pe'a

#### **le remoi se troci se galfi**

ni'o li papa pi'e vo pi'e renorepa cu detri le nu la .varik. tolsti le nu galfi le tsautu lo jetnu pe'a pixra je cu jmina lo tsautu poi nasevasru loi sirsunla lo samrxra be fi la'o gy. Scalable Vector Graphics .gy. .i snada le nu mulno le pruce

#### **le nu troci le nu jmina lo tcila**

ni'o li ji'i re pi'e xa pi'e renorepa cu detri le nu la .varik. galfi le samrxra be fi la'o gy. Scalable Vector Graphics .gy. lo samrxra be fi la'o gy. XCF .gy. je cu tolsti le nu jmina lo tcila .i le nu jmina lo tcila cu lidne le nu jmina lo jimsko kei ki'u zo'e

ni'o lo jetnu pe'a nabmi ku sotmei .i ku'i la .varik. nanelci le jalge be le nu jmina le tcila kei je cu zasysti le nu zbasu le pixra

#### **le nu se snada jmina bo tcila**

ni'o li reze pi'e papa pi'e renorepa cu detki le nu la .varik. to'ezasysti le nu zbasu le pixra je cu ku'i ninke'u jivbi'o le du'u la'o gy. GIMP .gy. cumki kalci...pe'a

### **le nu mulgau le pixra**

ni'o li pa pi'e pare pi'e renorepa cu detni le nu la .varik. xusra le du'u le pixra cu selmulgau

#### **9.1.4 le nu le ti poi pixra cu te gumgau**

ni'o ko'a goi la'o gy. SHODAN .gy. po la'o gy. *System Shock* .gy. velfi'i le pagbu be le pixra ku poi se finti fo ko'a .i ku'i le nu la .varik. napilno lo pa versiio be ko'a cu cabna le nu la .varik. zbasu ti poi pixra .i lo menli gumgau be ko'a po la'o gy. *System Shock* .gy. je ko'a po la'o gy. *System Shock 2* .gy. cu velfi'i ti poi pixra ku'o fo la .varik.

#### **9.1.5 lo nu nitpiki**

ni'o lo nu nitpiki cu za'o se nelci

#### **9.1.6 le plijaspu**

ni'o ti poi pixra cu selxrapra je cu selplijaspu la'o gy. CC BY-NC 4.0 .gy .i le mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

#### **9.1.7 le pilno**

ni'o pilno la'o gy. GIMP .gy. le nu majgau ti poi pixra .i la'o gy. GIMP .gy. xlatece .i ku'i zmanei la'o gy. GIMP .gy. la'o gy. Krita .gy

ni'o ciska dei fo la'o gy. ed(1) .gy

ni'o la'o gy. GIMP .gy. je la'o gy. ed(1) .gy. bajra pe'a la'o gy. OpenBSD .gy

## **9.2 le kanla se cortu**

ni'o so'u da poi prenu zo'u da xusra le du'u le nu da catlu la'o .ITHINKWEREGOINGCRAZY. kei cu se jalge le nu da cortu kei kei goi ko'a .i la .varik. jijyji'i le du'u lo prenu poi xusra ko'a cu du'eski ko'a gi'a bilma lo kanla se cortu kei ki'u le nu la .varik. na zatfa'i lo satci krasa be le kanla se cortu

## **9.3 le se frati**

ni'o le nu la'oi .ITHINKWEREGOINGCRAZY. nasopnelsei...cu cumki se krinu le nu zo'e poi velfi'i la'oi .ITHINKWEREGOINGCRAZY. rirci

### 9.3.1 le velski be le se frati

ni'o su'o da poi pixra fi la .varik. zo'u li ni'e ni lo prenu cu nelci la'oi .ITHINKWEREGOINGCRAZY. cu dubme'a li ni'e ni lo prenu cu nelci da

### 9.3.2 le cumki rinka be le narselnei

ni'o la .varik. jinvi le du'u le narselnei po la'oi .ITHINKWEREGOINGCRAZY. cu cumki se krinu le nu zo'e poi velfi'i la'oi .ITHINKWEREGOINGCRAZY. rirci

**se lojysra 1.** *ni'o se lakne le du'u lo so'u prenu cu nelci la'oi .ITHINKWEREGOINGCRAZY.*

*lojysra.* ni'o ro da zo'u ro de poi pixra zo'u ro di poi prenu zo'u le du'u de velsitsku da cu nibyti'i le du'u di mulsmujmi de nagija se slabu de

ni'o ro da poi pixra zo'u le du'u lo so'u prenu ku mulsmujmi da cu nibyti'i le du'u se lakne le du'u lo so'u prenu ku nelci da<sup>1</sup>

ni'o so'u prenu cu slabu la'o gy. *System Shock .gy*<sup>2</sup>

ni'o la'oi .ITHINKWEREGOINGCRAZY. velsitsku la'o gy. *System Shock .gy*

ni'o ja'e se lakne le du'u lo so'u prenu cu nelci la'oi .ITHINKWEREGOINGCRAZY.

□

---

<sup>1</sup>ni'o le tcidu cu se darsygau milxe bo senpi ti poi pixra

<sup>2</sup>ni'o zo so'u cumki dukse bo ruble

## Chapter 10

# la'oi .JUDASTRAINWRECK.




Figure 10.1: la'oi gy. JUDASTRAINWRECK .gy

## **10.1 le pamoi velski be ti poi pixra**

ni'o la .varik. jinvi le du'u le firxa'e cu melbi

### **10.1.1 le torveki**

ni'o su'o da poi papri bo pixra tsautu zo'u da binxo le vektori pixra poi binxo  
ti poi pixra

ni'o le tcidu tanxe pe'a vasru lo tolce bo galfi notci poi pu selterbe'i la .varik.

ni'o ti poi pixra cu selxrapra je cu selplijaspu la'o gy. CC BY-NC 4.0 .gy

ni'o doi la'o gy. lamer .gy. ko pilno la'o gy. OpenBSD .gy

### **10.1.2 le pruce poi gasnu le nu le tsautu ku binxo le mulno pixra**

ni'o la .varik. majgau le pamoi tsautu ki'u le nu la .varik. djica le nu la .varik.  
terxra lo nasteci

.i la .varik. gasnu le nu le pamoi tsautu cu binxo le vektori pixra ki'u le nu la  
.varik. djica le nu la .varik. terxra zo'e poi trina

.i le nu la .varik. terxra le cabna pixra cu milxe se krinu le nu la .varik. djica le  
nu la .varik. ckasu lo prenu poi cusku lo bebna preti. gi'a bebna pensi

### **10.1.3 le tcidu tanxe pe'a**

ni'o le tcidu tanxe pe'a vasru lo tolce bo galfi notci poi pu selterbe'i la .varik.

.i le nu la .varik. fuktra la'o gy. SIDESHOW BOB .gy. le nu cmoni cu se balvi  
le nu la .varik. jdice le du'u le nu la .varik. ckasu le prenu je cu curmi le nu le  
prenu ku cmecau cu filri'a le nu cmila

### **10.1.4 le plijaspu**

ni'o ti poi pixra cu selxrapra je cu selplijaspu la'o gy. CC BY-NC 4.0 .gy .i le  
mulno tcidu po ti poi selplijaspu cu xabju pe'a la'o gy. <https://creativecommons.org/licenses/by-nc/4.0/legalcode> .gy

### **10.1.5 le pilno**

ni'o pilno la'o gy. GIMP .gy. le nu majgau ti poi pixra .i la'o gy. GIMP .gy.  
xlatce .i ku'i zmanei la'o gy. GIMP .gy. la'o gy. Krita .gy

ni'o ciska dei fo la'o gy. ed(1) .gy

ni'o la'o gy. GIMP .gy. je la'o gy. ed(1) .gy. bajra pe'a la'o gy. OpenBSD .gy

## **10.2 le selji'i be fi la'oi .JUDASTRAINWRECK.**

ni'o so'u lo prenu cu gubni nitpiki la'oi .JUDASTRAINWRECK...je cu gubni zausku la'oi .JUDASTRAINWRECK.

### **10.2.1 su'o lo selji'i be fi la'o gy. JUDASTRAINWRECK .gy**

ni'o selji'i fi la'oi .JUDASTRAINWRECK. goi ko'a fa

- le du'u ko'a .indika ko'e goi le du'u le selxra be fe ko'a ku goi ko'e cu mapra keitci kei ku ri'a le nu ko'a .indika le du'u le kerfa be fe ko'e cu dukse kei kei noi te toltu'i fi la .varik. ku'o je
- le du'u ko'a pixra le .ambigu kei noi te mltu'i fi la .varik. ku'o je
- le du'u ko'a citmle kei noi no'e te tugni fi la .varik. ku'o vu'o po'o nai

## **10.3 le ctino**

ni'o la .varik. jinvi le du'u cumki fa le nu li ni'e ni la'oi .JUDASTRAINWRECK.  
goi ko'a vasru le ctino cu dukse kei kei je le du'u ko'a dukse manku

## **10.4 le xance**

ni'o la'oi .JUDASTRAINWRECK. .indika le du'u le xance degji be fi la'oi .VUNC. ku goi ko'a tordu .i ku'i ko'a na tordu .i la'oi .JUDASTRAINWRECK. xlali pixra le xance be la'oi .VUNC. .i la'e di'u zdile la .varik.

## **10.5 le da'a versiio be le pixra**

### **10.5.1 la'o gy. JUDASTRAINWRECK-NOHANDLEBARS .gy**

ni'o la'o gy. JUDASTRAINWRECK-NOHANDLEBARS .gy. cu versiio la'oi .JUDASTRAINWRECK. je cu na pixra le birka be la'oi .VUNC.



Figure 10.2: gubgau le versiio be la'oi .JUDASTRAINWRECK. ku poi na  
pixra le birkal be la'oi .VUNC.

# Chapter 11

## la'oi .THROWTHOSEPICTURESDOWNTHELANE.

### 11.1 le pixra

### 11.2 le pamoi velski

#### 11.2.1 le torveki

ni'o la .varik. rinka le nu fanmo le nu la .varik. zasysti le nu la .varik. terxra kei kei kei je cu gubyternoi .ui le cnino pixra

ni'o pixra le nu la'oi .VUNC. renro le mu'oi .discus. poi cizra je cu xunre je cu kinli je cu te ciska fe le mu'oi .lambda. poi to'alfu

ni'o la .varik. terxra fi ti poi pixra ki'u le nu la .varik. djica le nu la .varik. salci le nu la .varik. tolri'ugau le se zbasu be la .varik...je cu tervenynoi la'oi .Matel.

ni'o le nu jmina lo srasu ti poi pixra

ni'o la'o gy. public domain .gy. vasru ti poi pixra...je ro le pixra be fi la .varik.

ni'o ranji fa le nu la .varik. tervencpe lo nu nitpiki

ni'o la .varik. pilno la'oi .GIMP. je la'oi .OpenBSD. je .oiru'e .u'i le mu'oi .trackpad.

#### 11.2.2 le fanmo be le nu zasysti

ni'o le nu la .varik. bilma je cu fliba le nu li renorerepi'enore detri le nu la .varik. terxra cu selbalvi le nu la .varik. gubyternoi le cnino pixra .i ti poi cnino pixra cu se cmene zo'oi THROWTHOSEPICTURESDOWNTHELANE



Figure 11.1: ni'o ti poi mu'oi .caption. cu na vasru lo selxamsku

### 11.2.3 le velski be le pixra

ni'o la'oi .THROWTHOSEPICTURESDOWNTHELANE. pixra le nu la'oi .VUNC. renro le mu'oi .discus. poi ca'a sinxa la'oi .Matel. noi samru'e je cu se zbasu la .varik. .i lo prenu poi ke'a goi ko'a zo'u cumki fa le nu la'oi .Matel. cinri ko'a kei ku ku goi ko'a milxe gleki le nu ko'a djuno le du'u la'oi <https://github.com/varikvaledor/matel> zdani pe'a le samselpla po la'oi .Matel.

### 11.2.4 le mukti

ni'o la .varik. terxra fi la'oi .THROWTHOSEPICTURESDOWNTHELANE. ki'u le nu la .varik. djica le nu la .varik. salci le nu la .varik. renro pe'a la'oi .Matel. la'o gy. public domain .gy...kei kei je zo'e

### **11.2.5 le srasu**

ni'o ti poi pixra cu pixra le sрана je zo'e .i rirci fa le nu la .varik. terxra fi lo srana

ni'o la .varik. pu zu jmina le srasu ti poi pixra

ni'o la .varik. troci le nu la .varik. jmina le srasu ti poi pixra kei le nu la .varik. pilno le te galfi fi la .varik. fe le tadji be le nu la .varik. pixra loi sirsunla kei ku ku ku le nu terxra le srasu ti poi pixra .i la .varik. na mutce jinvi fi le jalge be le nu la .varik. pilno le te galfi...ku'i je cu jinvi le du'u lakne fa le nu le jalge cu tcemlixau

### **11.2.6 la'o gy. public domain .gy**

ni'o la'oi .THROWTHOSEPICTURESDOWNTHELANE. vasru la'o gy. public domain .gy. je cu se plijap la'oi .Unlicense. noi se skicu la'o gy. <https://unlicense.org.gy>

.i la .varik. radji'i le du'u li ni'e ni la'oi .Unlicense. mapti lo samru'e kei cu zmadu li ni'e ni la'oi .Unlicense. mapti lo pixra .i ku'i la .varik. pilno la'oi .Unlicense. ki'u le nu la .varik. nelci le nu la'oi .Unlicense. tordu kei je cu to'e nelci le nu la'oi .CC0. je zo'e cu clani

.i ji'a ro le pixra poi pu se gubyternoi la .varik. cu pu binxo lo se plijap be la'oi .Unlicense.

.i ji'a ji'a so'e lo se zbasu be la .varik. se renro pe'a fi la'o gy. public domain .gy

### **11.2.7 lo nu nitpiki**

ni'o la .varik. tervencpe lo nu nitpiki ti poi pixra kei ku poi ke'a goi ko'a zo'u cumki fa le nu la .varik. pilno ko'a

.i si'a la .varik. na djica lo nu tcila claxu to'e nitpiki

.i lo'i mupli poi ke'a goi ko'a zo'u cumki fa le nu la .varik. pilno ko'a cu se vasru lu mi to'e nelci ti li'u noi selfilsmu lu mi to'e nelci le se pixra li'u je lu mi to'e nelci le pixra li'u

### **11.2.8 le pilno**

ni'o .uecu'i la .varik. pilno la'oi .GIMP. je la'oi .OpenBSD. je .u'i ko'a goi mu'oi .trackpad. poi mutce milxe mabla ku'o le nu la .varik. terxra fi la'oi .THROWTHOSEPICTURESDOWNTHELANE. .i le nu pilno ko'a le nu terxra cu fi te prali le nu lebna lo xamgu sevzi cusku noi se cinri no lo prenu

## **11.3 le nu cfifa'i poi se zbasu la .varik.**

ni'o su'o le'i se cfifa'i be la .varik. bei la'oi .THROWTHOSEPICTURESDOWN-  
THELANE. goi ko'a cu se cmima

- le du'u la .varik. jinvi le du'u le srasu poi se pixra ko'a cu smimlu loi  
sirsunla kei kei .e
- le du'u ko'a pixra le nu le kanla be la'oi .VUNC. cu claxu lo tcila

### **11.3.1 le ka le srasu poi se pixra cu smimlu loi sirsunla**

ni'o la .varik. jinvi le du'u le srasu poi se pixra la'oi .THROWTHOSEPICTURES-  
TURESDOWNTHELANE. goi ko'a cu smimlu loi sirsunla kei je le du'u lakne  
le nu le ka smimlu loi sirsunla cu se rinka le nu le pu'u la .varik. terxra le srasu  
cu smimlu le pu'u la .varik. terxra loi sirsunla .i ku'i la .varik. cpedu lo se jinvi  
be lo prenu poi na me la .varik. bei fi le srasu poi se pixra ko'a

### **11.3.2 le du'u ko'a pixra le nu le kanla be la'oi .VUNC. cu claxu lo tcila**

ni'o la'oi .THROWTHOSEPICTURESDOWNTHELANE. goi ko'a vasru pare  
ki'o ki'o le vidnysle<sup>1</sup>...je cu ku'i claxu lo tcila be ro le kanla be la'oi .VUNC.  
ku goi ko'e .i sa'unai ko'a pixra le nu ko'e claxu lo selvi'a blutu'u je le mu'oi  
.striation. pe le kalca'osrumu'a .i la .varik. jinvi le du'u le nu ckaji le ka mo'isti  
cu te dapma

## **11.4 le nu cfifa'i poi na se zbasu la .varik.**

ni'o su'o le prenu cu cfifa'i zo'e la'oi .THROWTHOSEPICTURESDOWNTHE-  
LANE. .i la'e di'u pluka la .varik. .i le torveki be su'o le nu cfifa'i cu se  
mupli

- lu le birkal be la'oi .VUNC. cu duske clani li'u .e
- lu le loldi cu dukse xekri li'u .e
- lu le srasu poi darno le kacma pe'a cu dukse se gusni li'u .e
- lu le tuple be la'oi .VUNC. cu dukse tordu li'u .e
- lu le dizlo zunle kinli be le nercreka pe'a po la'oi .VUNC. cu dukse galtu  
li'u .e
- lu dukse viska le zunle tuple be la'oi .VUNC. li'u .e
- lu le selxra xarpre cu smimlu lo sampre li'u

---

<sup>1</sup>.i je'au le pixra cu vasru le remu ki'o ki'o vidnysle .i ku'i vasru le toldra ki'u le nu nurbe'i

#### **11.4.1 lu le birka be la'oi .VUNC. cu duske clani li'u**

ni'o le su'o prenu cu xusra le du'u le birka be le versiio be la'oi .VUNC. ku poi se pixra la'oi .THROWTHOSEPICTURES DOWNTHELANE. cu dukse clani kei goi ko'a .i la .varik. milxe tugni fi ko'a...je cu ku'i jinvi le du'u lakne fa le nu le ka le birka cu clani ku ju'anai jalge le .asna be la'oi .VUNC. ku poi se pixra la'oi .THROWTHOSEPICTURES DOWNTHELANE....kei kei je cu ku'i je'a radji'i le du'u cumki fa le nu le birka be la'oi .VUNC. cu dukse clani

#### **11.4.2 lu le loldi cu dukse xekri li'u**

ni'o le su'o prenu cu xusra ko'a goi le du'u le xekri je blabi poi ke'a goi ko'e zo'u la'oi .THROWTHOSEPICTURES DOWNTHELANE. pixra le nu la'oi .VUNC. sanli ko'e cu dukse xekri .i la .varik. to'e tugni ko'a ki'u le nu la .varik. se tolsnuti le nu le se sanli be la'oi .VUNC. cu tcetcetcexekri

#### **11.4.3 lu le srasu poi darno le kacma pe'a cu dukse se gusni li'u**

ni'o le su'o prenu cu xusra ko'a goi le du'u le srasu poi darno le kacma pe'a cu dukse se gusni kei je ko'e goi le du'u xamgu fa le nu de'i le srasu cu tolgsibio .i la .varik. milxe tugni fi ko'a je ko'e

#### **11.4.4 lu le tuple be la'oi .VUNC. cu dukse tordu li'u**

ni'o le su'o prenu cu xusra ko'a goi le du'u le tuple be la'oi .VUNC. ku poi se pixra la'oi .THROWTHOSEPICTURES DOWNTHELANE. cu duske tordu .i la .varik. toltagjni ko'a ca le nu la .varik. ciska dei kei ki'u le nu la .varik. jinvi le du'u xamgu fa le parbi be le ni le tuple be la'oi .VUNC. cu clani bei le ni le torso be la'oi .VUNC. cu clani

#### **11.4.5 lu le dizlo zunle kinli be le nercreka pe'a po la'oi .VUNC. cu dukse galtu li'u**

ni'o le su'o prenu cu xusra ko'a goi le du'u le dizlo zunle kinli be le nercreka pe'a po la'oi .VUNC. ku ku goi fo'a cu dukse galtu kei je ko'e goi le du'u zgadi fa le nu ciska pe'a fo'a le zunle zaglamtu'e be la'oi .VUNC. .i la .varik. tugni ko'a je ko'e

#### **11.4.6 lu dukse viska le zunle tuple be la'oi .VUNC. li'u**

ni'o le su'o prenu cu xusra ko'a goi le du'u dukse viska le zunle tuple be la'oi .VUNC. ku poi se pixra la'oi .THROWTHOSEPICTURES DOWNTHELANE. kei je ko'e goi le du'u zgadi fa le nu la'oi .THROWTHOSEPICTURES DOWNTHELANE. pixra le nu le zunle tuple be la'oi .VUNC. cu trixe le prity tuple be la'oi .VUNC. .i la .varik. tugni ko'a je ko'e

#### **11.4.7 lu le selxra xarpre cu smimlu lo sampre li'u**

ni'o le su'o prenu cu xusra ko'a goi le du'u la'oi .THROWTHOSEPICTURES-DOWNTHELANE. pixra le nu la'oi .VUNC. se .asna le dukse bo tinsa je sampre pe'a .i la .varik. milxe tugni ko'a...je cu ku'i xusra le du'u le nu la'oi .VUNC. se .asna le dukse bo tinsa je sampre cu kakne le nu se xamsku je cu sрана le nu lo su'o prenu cu xamsku le du'u la .varik. cu sampre